

mordacis. Quibus neq; dētes vtrinq; nec ruminatio, hic conficiuntur cibi, hinc in aliu delabuntur. Media hæc umbilico adnexa omnibus, in homine suilla infima parte similis, à Græcis appellatur colo, ubi dolorū magna causa est. Angustissima canibus: qua de causa vehementi nisi, nec sine cruciatu leuant eam. In satiabilia animalium, quibus à ventre protinus recto intestino transeunt cibi, vt lupis ceruarijs, & inter aues mergis. Vētres elephāto quatuor, cetera suis familia: pulmo quadruplo maior bubulo. Aibus venter carnosus callosusque. In ventre hirundinum pullis lapilli candido aut rubenti colore, qui chelidoniū vocantur, magicis narrati artibus, reperiuntur. Et in iuencarum secundo ventre pilæ rotunditate nigricans tophus, nullo pondere: singulare (vt putant) remediū egre parientibus, si tellurem non attigerit. Ventriculus atque intestina pingui ac tenui omento integuntur, præterquam oua gignentibus. Huic adnectitur lien in sinistra parte aduersus iecur, cum quo locum aliquando permutat, sed prodigiose. Quidam eum putant inesse oua parientibus, item serpentibus admodum exiguum: ita certe apparet in testudine & crocodilo, & lacertis, & ranis. Aegocephalo aui nō esse constat, neque ijs quæ careant sanguine. peculiare curfus impedimentum aliquando in eo: quamobrem inuiritur cursorum laborantibus. Et per vulnus etiā exempto viuere animalia tradunt. Sūt qui putēt adimi simul risum homini: intemperantiamq; eius constare lienis magnitudine. Asia regio Scepsis appellatur, in qua minimos esse pecori tradunt, & inde ad lienem inuenta remedia. At in Brileto & Tharne quaterni renes cervis: contra pennatis squamosisque nulli. Cætero summis adherent lumbis. Dexter omnibus elatior, & minus pinguis, sicciorque. Vtrique autem pinguitudo è medio exit, præterquam in vitulo marino. Animalia in renibus pinguisima: oues quidem letaliter circum eos concreto pingui. Aliquando in eis inueniuntur lapilli. Renes habent omnia quadrupedum quæ animal generant: oua parientiu testudo sola, quæ & alia omnia viscera. sed homo bubulis similes, velut è multis renibus compositos. Pectus, hoc est ossa, præcordijs & vitalibus natura circūdedit: at ventri, quem necesse erat increscere, ademit. Nulli animalium circa ventrem ossa. Pectus homini tantum latum, reliquis carinatum, volucris magis, & inter eas aquaticis maxime. Costæ homini tantum octonæ, suis denæ, cornigeris tredecim, serpētibus triginta. Infra aliuum est à priore parte vesica, quæ nulli oua gignentium, præter testudinem: nulli nisi sanguineum pulmonem habenti: nulli pedibus carentium. Inter eā & aliuum arteriæ, ad pubem tendentes, quæ ilia appellantur. In vesica lupi lapillus, qui Syrites appellatur. Sed in hominum quibusdam diro cruciatu subinde nascentes calculi, & setarum capillamenta. Vesica membrana constat, quæ vulnerata cicatrice non solidescit: neque qua cerebrum aut cor inuoluitur. Plura

enim membranarum genera. Fœminis eadem omnia, præterq; vesicæ iunctus vtriculus, vnde dictus vterus: quod alio nomine locos appellant, hoc in reliquis animalibus vuluam. Hæc viperæ, & intra se parietibus, duplex: Oua generantium adnexa præcordijs: Et in muliere geminos sinus ab vtraque parte laterum habet, funebris quoties versa spiritū inclusit. Boues grauidas negant præterquam dextero vuluæ sinu ferre, etiam cum geminos ferāt. Vulua eiecto partu melior quam edito. Eiectitia vocatur illa, hæc porcariæ, primiparæ suis optima. contra effœtis. à partu, præterq; eodem die suis occisæ, liuida ac macra. Nec nouellarum suum, præterquam primipararum probatur, potiusque veterum, dum ne effœtarum, nec biduo ante partum, aut post partum, aut quo eiecerint die. Proxima eiectitia est occisæ vno die post partum. Huius & sumen optimum, si modo fœtus non hauserit: eiectitiæ deterrimum. Antiqui abdomen vocabāt, priusquam calleret id, scientes occidere non assueti. Cornigera vna parte dentata, & quæ in pedibus talos habent, sæuo pinguescunt. Bisulca scissis in digitos pedibus, & non cornigera, adipe. Cœcretus hic: & cum refraxit, fragilis: semperq; in fine carnis. Cœtra pingue inter carnem cutemq; succo liquidum. Quædam non pinguescunt, vt lepus, perdix. Steriliora cuncta pingua, & in maribus & in fœminis. Senescunt celerius præpingua. Omnibus animalibus est quoddam in oculis pingue. Adeps cunctis sine sensu, qui nec arterias habet, nec venas. Plerisque animalium est pinguitudo sine sensu, quam ob causam sues spirantes à maribus tradunt arrosas. Quin & L. Apronij consularis viri filio detractos adipem, leuatumque corpus immobili onere. Et medulla ex eodem videtur esse, in iuuenta rubens, & senecta albescens: Non nisi cauis hæc ossibus, nec cruribus iumentorum aut canum: quare fracta non ferruminantur, quod defluente euenit medulla. Est autem pinguis ijs, quibus adeps, seu ossa cornigeris: nervosa & in spina tantum dorsæ, ossa non habentibus, ut piscium generi: vrsis nulla, leoni in feminum & brachiorum ossibus paucis, exigua admodum: cætero tanta duritia, vt ignis elidatur, velut è silice, & ijs dura quæ non pinguescunt: asinorum ad tibias canora. Delphinis ossa non spina, animal enim pariunt: serpentibus spina. Aquatiliū mollibus nulla: sed corpus circulis carnis vinctum, vt sepia atque loligini. Et insectis negatur aque esse vlla. Cartilaginea aquatiliū habent medullam in spina. Vituli marini cartilagineam, non ossa. Item omnium auricula ac nares quæ modicum eminent, flexili mollitia, natura prouidentia, ne frangerentur. Cartilago rupta non solidescit. Nec præcisæ ossa recrescunt, præterquam veterinis ab vngula ad suffraginem. Homo crescit in longitudinem ad annos vsque ter septenos, tum deinde ad plenitudinem. Maxime autem pubescens nodum quendam soluere, & præcipue ægritudine, sentitur. Nervi orsi à corde, bubuloque etiam

n iij circum-